

مکتبہ دارالکتاب

❁ ادبی و سیاسی رسالہ اسبوعیہ در ❁

۳۱ نجی سنہ

۱۶ ذی الحجہ ۱۳۲۹

❁ پنجشنبہ ❁

جزو عدد : ۱۲۴

برلین قونفره‌سی

— [هوئن - لوئه] نك خاطر اتندن مستخرج —

پرنس بسمارقدن آلدیغم امره مبنی ۱۸۷۸ سنه‌سی جزیرانك ۱۲ سنده قونفره‌ده بولمق اوزره پارسدن برلینه موصلت ایلدم .

طوغری خارجه نظارتنه کیدرك مستشار بولو وهولشتاین وبوهر ورادوویچ ایله ملاقی اولدم . بوملاقانده ، روسیه ایله انكلتره آرمسنده بردرجه‌یه قدر اتلاف حصوله كلش وبعض نقاط مظلمه‌نك‌ده تنویری مأمول بولمخ اولدیغنه مطلع اولدم . لورد بیقونسفیلد محافظه اعتدال ایدیور ؛ پرنس بسمارق قونفره‌نك جلسه اولیسنده بلغارستان مسئله‌سی موضوع بحث ایتك ایستیور .

وضع حاضرندن آوستریا يك ناخشنود کوریدیور . قونت آندراشی ، ایسه كرك هابسبورغ سراینك ؛ كرك هیئت عسکریه‌نك آرا و نمایاتیه مجارستانك مطالب متضاده‌سی آرمسنده شاشیروب قلمش ؛ هله شرق مسئله‌سنه ایستدیکی گبی مداخله فرصتی الدن قاچیرمش اولمسندن طولانی مایوس بر حالده‌در .

بوسنه و هرسك قطعه‌لرینی استیلا ایچون قونفره‌نك آوستریایی اجبار ایتسنی آرزو ایدیور . نه چاره‌که آوستریا حقنده پرورده ایلدیکمز حسیات و دادکارانه‌یی فعلیانه تطبیق ایدوبده قوتی ، مایوس ایدن ماده مشکله‌دن قورتارمق ، انكلتره ایله روسیه‌یی اغضابه متوقفدر . آتی‌ده بز اصلا آرزو ایده‌میز .

قونت آندراشی مرخصلری طولاشوب اسقاندیل ایدیور .

انكلتره مرخصی روسل ، برنجی اجتماعك مراسم ابتداییه حصرنده پرنس بسمارق ایله هم فکر اولدیغنی افاده ایدیور .

بعض ارکان نظارتک قونفره به اشتراك ایتمسندن طولانی خارجیه داره سنده .
 يك عادى انتریکلر جویریلور .

عرض احترام ایچون لورد بیقونسفیلدك اوتلنه کتدم . آباق اوزرندن ملاقات
 ومصافحه ایدرك و ولی عهدك کنديسیله کورشمك ایستدیکنی سویلیهرك وداع
 ایلدم . قالمقلمه آرزو کوسه تردی . - وقتم يك آز مایلورد ! ذاتاً زیارتیم راسمه
 مصافحه بی ایفا ایچوندی - دیدم . گولهرك : یا ! مصافحه ایچون اولیه می ؟ مصافحه
 ایچون ها دیدی .

کجه بسمارقك قوناغنه کتدم . برنس برحدت ایدی . مگر او کون دول
 معظمه مرخصلرینی زیارته کیتیش ، سالتزبوری ایله فرانسه مرخصلری خلاف عاده
 کندینی قبول ایدرك بر خیلی زمان آلیقوبمشلر . یورولمش .

۱۳ حزران ، یارین بعدالزوال ساعت ایکیده قونفرهك کشاد رسمی اجرا
 اولنه حق . لورد بیقونسفیلد نونیفورما اکتسا ایدلمی رایسده بولغش و قبول
 اولغش .

قونفره صالونه ساعت بش بچقده داخل اولدم . یشیل جوغه اورتلش
 بیوک بر ماصه موضوع ، ریاست صندالیه سی وسطه قونغش . رئیسك صاغ
 جهتده آوستریا ، آنك یاننده انکلتره ، صکره فرانسه ، ایتالیا ، ده صکره روسیه ،
 صول جهتده عثمانلی مرخصلری .

بسمارقك قارشیسینده قونفره مذاکراتی ضبطه مأمور اولانلرك موقعی ،
 اورته ده رادووچ صاغنده بلوو و صولنده بن .

بسمارق ایله بلوو و متعاقباً دول ساره مرخصلری برر برر ورود ایلدی .
 ایتالیا مرخصی قونت قورتی عینله بر ژاپونیا لای آندیرمقده در . بونی قیصه ،
 سیاسی ثقیل ، بورنی منگسر . عثمانلی مرخصی کنج و اهمیتسز بر آدم ۱ . بلندقامت
 ۱ عثمانلی مرخصلرندن بری معلومدرکه سنبرس سعدالله باشا مرحوم ایدی . فی الحقیقه
 کنج ایدی . فقط عدم اهمیت ذاننده دکل سفارتی تمثیل ایندیکی حکومتده ایدی .
 للطابع

قوت شو والوف ایله وجود وهن آلودینی چکمه جک حاله کلش اولان پرنس غورچاقوف ، صیرمه لی ئونیفورمه سیله فرانسه مرخصی وادینقتون ، واک صگرم انکلیرله فرانسرلرک ایکنجی درجه ده کی مرخصی کلدیلر .

لورد بیقونسفیلد ایله پرنس غورچاقوف ییئنده ایلك تلاق ، تاریخک برلوحه معیندارنی ترسیم ایدیوردی . هله بیقونسفیلدک تبسمنده نلر مخفی ، یاخود بوتسم نلر اشراب ایدیوردی .

اجتماع واقع اولدی . هرکس یرلی یرینه اوتوردی . بسمارق مراسم معتاده دن اؤل راسمه خوش آمدی ایفا اییدی . ذاتاً مقرر اولدینی اوزره ریاستده اتفاق آرا ایله رسماً کندی انتخاب اولدی .

بسمارق فاتحه کلام اوله رق مذا کره نك دائرة محرمیتی تجاوز ایتماسینی و مذا کره به بالنسبه الک مهم مسائلدن باشلانمسی وقوت آندراشینک طلبی وجهله مسائی تنسیق ایتمک اوزره مذا کره نك برقاچ گون تأخیرینی توصیه ایلدی . بوبرنجی اجتماع ، برطاق اصول و مراسمدن عبارت اولمقله برابر ، ینه بر اهمیتی حائز ایدی .

بیقونسفیلد ، انکلتره نك قونغرمده کی موقعنی علی الاطلاق محافظه ده متجملد بولنه جغنی اوضاعیله افهام ایدیوردی . روسلر متوهم وانیدیشناک ایدیلر . بوم کشادک آقشامی مرخصلره سرایده ضیافت کشیده ایلدی . ایمپراطور ، ۳۲ گون مقدم ۱۱ مایسده وقوع بولان سوء قصد سببیله هنوز یتاقده ایدی . بناء علیه کنديسنه سفرده ولی عهد وکالت ایدرک فرانسز لسانیله برنطق مختصر ایراد وقونغرمه نك تمنی موفقیتی ایله ختم کلام ایلدی .

تایمس مخبری دوبلوویچ کولگه کبی مرخصلرک یانندن آیرلیور . احوال روحیه سنه واقف اولدینی ذواتدن ایشه یرایه جق شیلر اوکرتمک چالیشیور . یونک قدر اطوارینه نجات لایبالیانه یرمش هیچ برهودی گورمدم . روسجیلده بیله بهودیلک مخصوص برخساست فطریه مرکوزدر . یالکیز بلوویچ مستثنا . بگا دیدی که : بیقونسفیلدک احوال روحیه سی شایان تبعدر . بو آدمه معامله

نواز شکارانده بولمغه کلز. ابدال التفات اولدقجه شهیه دوشره کندینی اغفال ایتک
ایستدکلرینه ذاهب اولور. عکس حالده نخوتنه طوقونلش کی اظهار برودت ایدر.
بلوویچک قونجه روس مرخصلری بر درجهیه قدر مماشانده بولنه جقلر ؛
اودرجه آشیلق ایستیرسه فصل نزاعی قلیجه ترک ایده جکلر . انکلتزه افکار
عمومیه سی ایسه دوام حربیه قطعياً مخالف .

احتمال بلوویچک بوسوزلری بر طور ساده دلانله سولیکدن مقصودی
انکلیزلرک منویاتی ترجمه در .

ولی عهد ایله ملاقاتمه قونفره نك ساحه موقیتده ایجه ایلرلیکنندن بحث
ایلدیم و " یالکیز برتلهک وار؛ اوده انکلیزلرک مطالبانده افراطیملری و روسلرکده
بالمقابله حربی مرجح کورمه لریدر . " دیدم .

براز صکره بسمارقك دائره سنه کتدم . برنس . عثمانلی مرخصلری حقنده
سرزنشده بولندی : ترکار . قونفره نك مذاکراتی عقامتله نتیجه نلمسنه اظهار
آرزو ایدیلورلر ؛ و بوندن کندیلرنجه فائده مأمول ایلورلر ایسه ده بو ذهابلری
باطلدر . حتی اختلاف حربیه منجر اولورسه اکثریت دولك ترکارک ضررینه
اوله رق اتحاد ایده جکلرینی عثمانلی مرخصلرینه افهام ایلدیکنی آکلاتدی .

لقر دیسنی کسرکسمز کویکندن بحث ایتدی : کوپکم هنوز ایستدیکم تربیه یی
اکتساب ایده مدی . کیمه خریله جغنی ، کیمه صالدره جغنی هنوز ییلور . اگر
بیلسه ایدی عثمانلی مرخصلرینی ایصیریدی .

محمد علی باشانك مرخص صفیله اعزامی حقارت قیلندن بر نزا کتسنزلک
اثری اوله رق تلقی ایدیلور ؛ کندیسندن ، قره طودوری خریستیانمیدر؟ دیه صوردم .
بسمارق : " بو اوچ مرخصك ایچنده نك بر مسلمان وار . اوده (ماغده

بورغلی) در . " دیدی (۱) .
[مابعدی نسخه تالیفه ده]

(۱) محمد علی باشا فی الاصل ماغده بورغلی ایدی . بوندن طولانی پروسیالی بر مهتدیک
کوندلش اولسنی حقارت عد ایتشدیر .